

სოციალური მუშაობა

1. მისანიჭებელი აკადემიური ხარისხი/კვალიფიკაცია: სოციოლოგიის დოქტორი – სოციოლოგია
2. პროგრამის ხელმძღვანელი
მოწვეული პროფესორი ლაური ლეპიკი
3. პროგრამის საკვალიფიკაციო დახასიათება

პროგრამის მიზნები:

დოქტორანტურა წარმოადგენს უმაღლესი განათლების მესამე საფეხურს, სასწავლო პროგრამებისა და სამეცნიერო კვლევების ერთობლიობას. დოქტორანტურის მთავარი მიზანია პროფესიული მოღვაწეობის შესაბამისი სფეროების მაღალკვალიფიციური აკადემიური კადრების მომზადება, რომლებსაც შესწევთ უნარი: შექმნან ახალი ცოდნა, კრიტიკულად გაანალიზონ დაგროვილი სამეცნიერო გამოცდილება და მიღებული სამეცნიერო შედეგები გაავრცელონ პუბლიკაციების მეშვეობით, ასევე სასწავლო პროცესში და პრაქტიკაში მათი დანერგვის გზით.

უფრო კონკრეტულად, სადოქტორო პროგრამა ხელს შეუწყობს:

- კვლევის მეთოდოლოგიასა და მეთოდებში ცოდნის გაღრმავებისთვის წინაპირობების განვითარება; კვლევის თანამედროვე მეთოდების შესწავლის საფუძველზე ახალი ცოდნის და ინფორმაციის შექმნა და გენერირება.
- კვლევაში თეორიული აზროვნებისა და კრიტიკული აქტის განვითარების მხარდაჭერა;
- აკადემიური წერის, კვლევის შედეგების წერილობით და ზეპირი ფორმით წარმოდგენის, კრიტიკული ანალიზის და მიმოხილვის უნარების ჩამოყალიბებისთვის წინაპირობის განვითარება.

სწავლის შედეგი:

სადოქტორო პროგრამის კურსდამთავრებულს:

- ✓ აქვს სისტემური და სიღრმისეული ცოდნა თავის მიერ არჩეული სოციალური მუშაობის ამა თუ იმ სფეროს (ბავშვები, ოჯახები, მოხუცები, მარგინალური ჯგუფები და სხვ.) ფარგლებში და სისტემური ცოდნა მომიჯნავე სფეროებში, რაც მას საშუალებას აძლევს, სრულფასოვნად ჩაერთოს სოციალური მეცნიერებების ფარგლებში მიმდინარე სამეცნიერო დისკუსიებში და აწარმოოს თეორიული ან გამოყენებითი კვლევა, რომელიც თვისებრივად გაამდიდრებს არსებულ გამოცდილებას ამ სფეროში. აქვს კვლევის რელევანტური მეთოდოლოგიის სრულყოფილი ცოდნა, რაც მას საშუალებას აძლევს არა მხოლოდ

დამოუკიდებლად წარმართოს, არამედ უხელმძღვანელოს როგორც კვლევით პროექტს, ისე სოციალური სამუშაოს პრაქტიკას.

- ✓ შეუძლია წარმოადგინოს სოციალური პრობლემების ღრმა და მრავალმხრივი ანალიზი, შეიმუშაოს ეფექტური რეკომენდაციები და თავად იმოქმედოს პრობლემის გადაჭრის ყველაზე ოპტიმალური გზების გამოყენებით. შეუძლია დასახოს კომპლექსური სოციალური პრობლემის გადაჭრის ახლებური და ეფექტური გზები. პროფესიულ დონეზე ფლობს სოციალური მუშაობის ყველა ძირითად მეთოდს, შეუძლია მათი ინოვაციური გამოყენება.
- ✓ შეუძლია სოციალური პრობლემების ინოვაციური ანალიზი და მათი გადაჭრის ახლებური გზების მოძიება.
- ✓ შეუძლია რთული პრობლემების დამოუკიდებლად და სწორად გადაჭრა, მათ შორის – პრაქტიკის ხელმძღვანელობის პროცესში. აქვს უნარი, მიიღოს სწორი და ეფექტური გადაწყვეტილება და საჭიროების შემთხვევაში გამოიყენოს დამატებითი რესურსები; ძალუძს მიმართოს პრობლემის გადაჭრის ახლებურ გზებს.
- ✓ აქვს უნარი, დამოუკიდებლად განახორციელოს კომპლექსური კვლევითი და კლიენტებთან პრაქტიკული მუშაობის პროექტი, ან უხელმძღვანელოს საშუალო ან დიდ კვლევით ჯგუფს კვლევის ახალი მეთოდების და მიდგომების გამოყენებით; შეუძლია თავად დაგეგმოს და თავისი უშუალო ხელმძღვანელობით განახორციელოს კომპლექსური კვლევითი პროექტის და სოციალური მუშაობის პრაქტიკის სრული ციკლი.

4. დასაქმების სფეროები

სოციალურ მუშაობაში დოქტორის ხარისხის მქონეს შესაძლებლობა ექნება იმუშაოს სასწავლო და კვლევით დაწესებულებებში სპეციალობის მიხედვით. როგორც მაღალი კვალიფიკაციის სპეციალისტს, მას შეეძლება წარმართოს სოციალური მუშაობის პრაქტიკა როგორც სახელმწიფო, ისე არასამთავრობო ორგანიზაციებში, აგრეთვე, აწარმოოს კერძო ლიცენზირებული პრაქტიკაც.

5. პროგრამაზე მირების წინაპირობები

სოციალური მუშაობის სადოქტორო პროგრამაზე სწავლების მსურველთ მოეთხოვებათ მაგისტრის ხარისხის ფლობა სოციალურ, სამედიცინო ან ჰუმანიტარულ მეცნიერებებში, ასევე ერთ-ერთი ევროპული ენის (ინგლისური, გერმანული, ფრანგული) ცოდნა მინიმუმ B2 დონეზე მაინც.